

# საქართველოს კანონი

საქართველოს ადმინისტრაციულ სამართალდარღვევათა და სისხლის სამართლის

## კოდექსებში ცვლილებების შეტანის შესახებ

საქართველოს პარლამენტი ადგენს:

1. საქართველოს ადმინისტრაციულ სამართალდარღვევათა კოდექსის (საქართველოს სსრ უმაღლესი საბჭოს უწყებები, 1984 წ., №12, მუხ. 421) 174<sup>1</sup> და 174<sup>2</sup> მუხლები ჩამოყალიბდეს შემდეგი რედაქციით:

**„მუხლი 174<sup>1</sup>. შეკრების ან მანიფესტაციის ორგანიზაციისა და ჩატარების წესის დარღვევა შეკრების ან მანიფესტაციის ორგანიზაციისა და ჩატარების წესის დარღვევა -**

გამოიწვევს დაჯარიმებას შრომის ანაზღაურების ათიდან ოცდაათ მინიმალური ოდენობამდე. იგივე ქმედება, ჩადენილი შეკრების ან მანიფესტაციის ორგანიზატორის მიერ, -

გამოიწვევს დაჯარიმებას შრომის ანაზღაურების ორმოციდან ას მინიმალური ოდენობამდე.

**მუხლი 174<sup>2</sup>. შეკრებისათვის ან მანიფესტაციისათვის ხელის შეშლა სამსახურებრივი მდგომარეობის გამოყენებით**

შეკრებისათვის ან მანიფესტაციისათვის, აგრეთვე მასში მონაწილეობის უფლების განხორციელებისათვის ხელის შეშლა სამსახურებრივი მდგომარეობის გამოყენებით, -

გამოიწვევს დაჯარიმებას შრომის ანაზღაურების ორმოცდაათიდან ას მინიმალურ ოდენობამდე“.

II. საქართველოს სისხლის სამართლის კოდექსის (საქართველოს სსრ უმაღლესი საბჭოს უწყებები, 1961, №1, მუხ. 10) 220<sup>1</sup> მუხლი ჩამოყალიბდეს შემდეგი რედაქციით:

**მუხლი 220<sup>1</sup>. შეკრების ან მანიფესტაციის ორგანიზაციისა და ჩატარების წესის დარღვევა**

შეკრების ან მანიფესტაციის ორგანიზაციისა და ჩატარების წესის დარღვევა, ჩადენილი შეკრების ან მანიფესტაციის ორგანიზატორის მიერ, თუ ამ დარღვევას მძიმე შედეგი მოჰყვა, -

ისჯება თავისუფლების აღკვეთით ვადით ექვს თვემდე, ან ჯარიმით შრომის ანაზღაურების ასიდან ორას მინიმალურ ოდენობამდე“.

III. ეს კანონი ამოქმედდეს გამოქვეყნებისთანავე.

საქართველოს პრეზიდენტი

ედუარდ შევარდნაძე

თბილისი,

1997 წლის 24 ივნისი

N785-III

